



Nuuk ulloq 25. januaari - 2019

Inatsisartut Suleriaasianni § 37 imm. 1 naapertorlugu Naalackersuisunut apeqqutit imaattut matumuuna saqqummiuppakka:

Naalackersuisunut apeqqutit:

1. Mittarfiliortiternerit kinguaattoorfiussagaluarpata taava mittarfiliortiternissanut naatsorsuutit ataatsimoortut qanoq sunnerneqassappat?

A) Kinguaattoornerit pissutigalugit immikkut qanoq aningaasartuuteqartoqassava soorlu sanaartornerit tamaasa ataatsimut isigalugit?

2. Naalackersuisut pilersaaruteqarfiginerlugu siuariartornerit pillugit innuttaasut qanoq tusarlerneqartassanersut imaluunniit mittarfiliortiternerit kinguaattoorfiussagaluarpata qanoq tusarliinerit pisassanersut?

3. Mittarfiliortiternut atatillugu sanaartukat tamakkiisut pillugit taakkuluunniit ilaannaat pillugit akiliisinnaajunnaartoqassagaluarpat - aallaqqaataani - qeqqata missaani imaluunniit sanaartornerup naajartonerani, taava kikkut akiliisariaqassappat ?

3. A) Apeqqutip taasuma assinga, mittarfiliortiternermut atatillugu pilersuisut arlaat imaluunniit mittarfiliortiternermi sanaartoqataasut arlaat akiliisinnaajunnaassagaluarpat kina akiliissava?

4. Akiliisinnaajunnaartoqarnerani Naalagaaffik akiliissappat, taava akiliutigineqartut Naalagaaffiup tapiissutaaniit peerneqassappat?

5. Innuttaasut qaqugu paasisinnaalissavaat sanaartornermut pilersaarutit tamakkiisut taamatullu mittarfiliortiternermut attuumassuteqartut allattugaatit?

6. Inatsisartunut ilaasortat, suliamut tunngatillugu allatugaatinik tamarmiusunik saqqummiussivigineqarsinnaasimangitsut qaqugu mittarfiliortiternermut atatillugu allattugaatnik isertuussatut naqissuserneqarsimasunik saqqummiussivigineqarsinnaanngussappat?

Tunngavilersuut:

Kikkut tamarmik soqutigaat qulaani apeqqutit akineqarnissaat, Aningaasanut Inatsisissatsinnut sunniuteqartussaammata taamatullu naligninnaasumik aningaasaqarnitsinnut annertuumik sunniuteqartussaammata, akiliisinnaajunnaartoqassagaluarpat imaluunniit kinguaattoortoqarneran akisunaarneqalissagaluarpat.

Aamma tusassallugu soqutiginarpoq mittarfiliortiternernut atatillugu pilersaarutit unioqqutinneqarsinnaanerata akiornissaanut Naalackersuisut pilersaaruteqarnerisut, mittarfiliortiternissanut aningaasaliinerit Kalaallit Nunaata oqaluttuarisaanerani aningaasaliinerummata assissaqanngitsumik.

Naatsorsuutigaarput taama amerlatigisunik akileraartartut aningaasaataannik aningaasaliisoqarsimagallartillugu, paasisaqarsinnaasariaqarluta tamanullu saqqummiussisinnaasariaqarluta, unammilleqatigiinnerup suliariumannittussarsiuussinerullu



**SULEQATIGIISITSISUT
SAMARBEJDSPARTIET**

ataqqineqarnissaat pisariaqarsimangippata, minnerunngitsumik sanaartornissaq inatsisillu tamanut soqutiginaruummata mittarfiliortiternissanut aningaasaliissutit amerlanerujussuat eqqarsaatigalugu. Taamaattummik soqutiginassaaq tusassallugu atortut oqallisaaqisut isertuussalli Naalackersuisut qaqugu saqqummiutissamaarneraat.

Taasinerup nalaani Inatsisartunut ilaasortat paasisutissat suliamut tunngasut tamakkerlugit pisinnaasimangilaat taamaallaallu naammagiinnartariaqarsimallugu suleqatit ataatsimiititaliami issiasut oqaluttuarisinnaasaat, issuaaqqusaannginneq pissutigalugu ataatsimiinnermi matoqqasumi nammineq oqaatigisimasat eqqaassanngikkaanni.

Naluneqanngitsut Inatsisartuni ilaasortarpassuit periarfissaqarsimangillat mittarfiliortiternernut tunngasunik pappiaqqanik pilersaarutinillu atuarsinnaasimangillat aamma paasisutissanik tamakkiisumik pissarsisinnaasimangillat apeqqutaallu akineqarsinnaasimanatik mittarfiliortiternissamat tunngasut ataatsimiititaliani suliarineranni.

Taamaattummik soqutiginassaaq tusassallugit Naalackersuisut pilersaaruteqarnersut, aalajangiisartunut ammaatissallugu qanga qanoq taasisoqartarsimanersoq taamaasillunilu qularnaarlugu demokratimi peqataasinnaanissaq. Aamma soqutiginarutut misinnarpoq akuusimangitsunut ilaasortanut paasisutissanik nammineq misissuisinnaanissaq. Ajornarpat sanaartukkalluunniit naammassereerpata, oqaluttuarisaaneq demokratilu pillugit.

Apeqqutit akeqquneqarput ullut qulit qaangiutsinnagit.

Tillie Martinussen
Samarbejdspartiet - Suleqatigiissitsisut